



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

56 An peccatum ex genere mortale, ex materiæ levitate, fieri possit veniale.

urn:nbn:de:hbz:466:1-39908

nem Auctoritatis, & humanæ subiectionis, ab hoc fine, fuit redditus res grauissima. Et in hoc sensu Clem. exiui. de verb. signif. &c. ex his: de verb. signif. in 6. di-

citur, verba præceptiva, in reg. S. Francisci, indicare obligationem sub mortali, quia præcipiunt ob finem grauem.

QVAESTIO LVI.

An peccatum ex genere mortale, ex materia leuitate, fieri possit veniale.

C A S V S.

LEX erat in quodam Regno, ne ullus ex eo triticum extraheret, ad vitandam famem, quæ ibi timebatur. Titius tamen nihilominus quinque tritici modios extraxit. Quæritur: Vtrum mortali-
ter peccauerit.

S V M M A R I V M.

- 3 *Quinque Tritici modiorum extractio, videtur materia grauis.*
- 7 *Materia grauitas, & leuitas, unde desumatur.*
- 8 *Eadem materia respectu diuersorum, potest esse grauis, & leuis.*
- 9 *Quinque Tritici modios extrahere, non est mortale.*
- 10 *Lex, per hoc grauiter non violatur.*
- 11 *Sicut, si extraheretur quantitas longe minor.*
- 12 *Quinque modij, reputantur materia leuis.*
- 13 *Eorum extractio, leuiter prohibetur.*
- 14 *Et Republica insert damnum leue.*
- 15 *Finis legis est, vitare damnum graue.*
- 17 *Quenam materia censenda sit, graue damnum afferre.*

- 18 *Materia paritas, non rectè desumitur per comparationem ad totam rem præceptam.*
- 19 *Desumitur ex fine præcepti.*
- 20 *Aquam, in Calice, vino non miscere est mortale.*
- 21 *Vna, aut altera vncia ieiunium non frangit.*
- 22 *Materia grauitas, prudentis arbitrio pensanda est.*
- 23 *Duorum horarum labor, diebus festis, videtur materia leuis.*

RATIONES DVBITANDI.

SIc ut semiplenalibertas, & Legislato-
ris voluntas, peccatum alias ex ge-
nere suo mortale, reddere possunt ve-
niale, ita à fortiori, hoc potest materia
leui-

N n 2

leuitas, licet enim furtum, ex genere suo, sic peccatum mortale, si quis tamen alteri rem modicam surripiat, non censetur communiter peccare mortaliter, quia illi graue damnum non infert. Difficultas est, in quo haec materiae grauitas, ac lenitas consistat. Propter ea Titius, quinque tritici modios extrahendo, mortaliter peccasse videtur. Ita Sanch. lib. 1. sum. c. 4. num. 8. Victoria de potest. ciuili. nu. 19. Clavis reg. lib. 3. c. 7. num. 14.

3 Primò; Quia quinque modij videntur materia grauis; Quamvis enim, ex ista Titij contrauentione Regno graue damnum non sequatur, sequeretur tamen, si idem à multis & communiter fieret. Spectari autem non debet damnum, quod ex illius contrauentione præcisè sequitur, sed quod sequeretur, si idem à multis & communiter fieret. Sed tunc esset materia grauis; Ergo absolute est materia grauis, ideoque sufficiens ad mortale.

4 Secundò, Quia in furto datur quantitas notabilis, etiam si quantitas illa alicui parum noceat, centum enim aurei, sunt materia grauis, etiam si Regi ablati paruum illi nocumentum afferant. Ergo similiter quinque modij, erunt materia grauis, quamvis Reipublicæ notabile damnum non afferant, in his enim attendendum non videtur damnum, sed quantitas, alioquin surripere mille aureos diuersis, singulis vnum Julium auferendo, non esset peccatum mortale.

5 Tertiò, Quia, si quinque modij, non essent materia grauis, & sufficiens ad mortale, sequeretur, finem legis frustrati; nunquam enim quilibet tantam

tritici quantitatem extrahit, vt ex easfoli ingens Reipublicæ damnum sequatur. Ergo nunquam violaretur finis legis, sive frustraretur.

Quarto, Quia, ideo, Latro Viatori 6 quinquaginta aureos surripiens, iuste suspenditur, quia quamvis hoc damnum illatum semel, non sit notabile, expedit tamen illud grauiter puniri, ne passim fiat; sive fiat notabile; Ergo similiter, quamvis quinque modij, semel extracti, Reipublicæ, damnum notabile non afferant, expedit tamen hoc grauiter prohiberi, ne passim fiat, sive damnum fiat notabile.

NOTABILIA.

A Duertendum est primò, materia, 7 siue rei præceptæ grauitatem, vel leuitatem desumendam esse, non ex ipsa secundum se, sed quatenus conductit ad finem à Legislatore intentum, ita ut, si res quæ præcipitur, vel prohibetur, ad Legislatoris finem grauiter conductat, eius transgressio sit peccatum graue, quamvis in se sit leuis. Si vero leuiter conductat, sit peccatum veniale, quamvis materia in se sit grauis: sic enim, quia finis præcepti prohibentis furtum est, ne dominus dampnum in bonis suis patiat, ablato quinquaginta aureorum, est materia grauis, quia Dominum grauiter laedit, ablatio vero semi-julij, est materia leuis, quia Dominum notabiliter non laedit. Similiter, gestare comam, quamvis secundum se videatur materia leuis, si tamen à Prelato, propter decentiam status Ecclesiastici, sub excommunicatione prohibeat, fit materia

ria

ria grauis, per ordinem ad finem à Prælato intentum. Ratio autem à priori est; quia, cum res præcepta, à Legislatore per præceptum assumatur tanquam medium ad obtinendum finem præcepti; in ipsa nihil aliud attenditur, quam utilitas & conduceantia ad talem finem; hoc enim est, quod in medijs attenditur, & non aliud. Hinc ergo fit, ut ea, quæ ad eum grauiter conducunt, vel illum notabiliter lèdunt, dicantur materia grauis, quæ verò leuiter, materia leuis. Quænam autem in particulari, grauiter, vel leuiter conducant ad finem legis, colligi poterit, vel ex re ipsa præcepta, vel ex fine, vel ex circumstantijs, vel ex communi sensu Fidei-
lium, aut Ecclesiæ, vel ex iudicio pru-
dentum, ita ut res illa dicatur ad finem
præcepti grauiter conducere, quæ iudicio
Prudentum reputatur talis.

8 Aduertendum est secundò; eandem rem, quæ respectu vnius finis, ac præcepti, est materia grauis, posse respectu alterius finis, ac præcepti, esse materiam leuem. Si enim in aliqua Religione extaret constitutio stricte obligans ad Sacrum singulis diebus audiendum, omis-
sio vnius Sacri, esset materia grauis, quia auditio Sacri ab illâ Religione ordina-
retur ad spiritualem singulorum profe-
ctum, ac fructum; quo fructu priuare-
tur, qui Sacrum omittet. At ve-
rò si extaret similis constitutio in Vni-
uersitate aliquâ, vel Academia; o-
missio vnius Sacri, non esset mate-
ria grauis, sed leuis, qui tunc auditio Sacri ordinaretur, non ad fructum spiri-
tualem singulorum, sed ad rectam Aca-
demiae gubernationem, pacem, ac deco-

rem, qui finis non grauiter lèditur, etiam si Sacrum aliquando prætermittatur. Ita Vasq. 1. 2. quest. 96. art. 4. d. 158. c. 6.
num. 60. His positis,

RESOLVTIO.

REspondetur; Titium, quinque tri-
tici modios è Regno extrahendo,
mortaliter non peccasse. Ita Suar. tom.
5. in 3. p. d. 4. f. 6. num. 11. & d. 18.
f. 3. n. 16. & de legib. lib. 3. c. 25. n. 7.
Valent. 1. 2. d. 7. qu. 5. p. 6. col. 957.
Bonac. d. 2. quest. 3. p. 3. num. 12. Re-
ginald. lib. 15. num. 30. Vasq. loco cit.
Molina tom. 1. tract. 2. dub. 88. circa
finem, Azor. to. 1. lib. 5. cap. 28. & alij
communiter.

Primò; Quia tota ratio hanc extractio-
nem prohibendi, est vitatio damni Rei-
publicæ. Ergo, dum Respublica, exta-
li extractione graue damnum non pati-
tur, non sit grauiter contra illius prohibi-
tionem; Tunc enim lex grauiter viola-
tur, quando grauiter violatur eius finis
intrinsecus. Sed finis istius legis, gra-
uiter non violatur; hic enim, alius non
est, quam vitatio damni, quod ex tali ex-
tractione non sequitur; Ergo lex, in hoc
casu, grauiter non violatur; ideoque Ti-
tius mortaliter non peccauit.

Secundò; Quia si lex ista grauiter vio-
laretur, quinque modios extrahendo, se-
queretur, grauiter etiam violari, extra-
hendo quantitatē de se sufficientem ad
furtum; talis enim quantitas, de se grauis
est, & si passim, ac communiter extrahere-
tur, Regnum inde damnum patet; con-
sequens autem à nemine conceditur. Er-
go, sicut extrahere semimodium, non
censemur materia grauis, quia inde Rei-
publicæ

Nn 3

publicæ graue damnum non sequitur; ita neque extrahere quinque modios, erit materia grauis, cum neque ex ista extractione, gtaue damnum Reipublicæ sequatur.

12. Tertiò; Quia Aureus, qui pro furto reputatur communiter materia grauis, pro donatione prohibita, non reputatur materia grauis, sed leuis; Imò, cum in donatione, attendatur qualitas dñatoris, ac donatarij, & alia circumstantiæ, fieri potest, vt etiam donatio equi, reputetur donatio leuis, sicuti reputatur in e. *Etsi questionibus: de Simonia.* Ergo, sicut aureus, & equus, lieèt respectu furti sint materia grauis, respectu donationis prohibitæ possunt esse materia leuis, quia finem pro inhibitione leuiter lèdunt; ita quinque tritici modij, licet respectu furti, vel alterius præcepti, possint esse materia grauis, respectu præcepti extractionem prohibentis, poterunt esse materia leuis, cum eorum extractio leuiter opponatur fini, in èa prohibitione, à Republicâ intento, qui est, ne Regnum inde damnum patiatur.

OBJECTIONVM SOLVTIO.

13. **A**d rationes autem in contrarium Respondetur. Ad primam; *Enim Legislatoris fuisse, vitare damnum, quod tritici extractione sequi posset Reipublicæ, non tamen intendisse Legislatorum prohibere grauiter tritici extractionem factam ab uno, dum graue damnum Reipublicæ non causat, quamvis illud causaret, si à multis passim fieret; alio-*

quin etiam extractio semimodij, immo etiam quartæ, aut quintæ partis vnius modij, esset mortalis, eo quod hæc etiam, si passim, ac communiter à multis fieret, notabile damnum Reipublicæ causaret. Cum ergo lex non obliget ultra intentionem, ac voluntatem Legislatoris, sequitur, legem hanc, in hoc casu, grauiter non obligare; ideoque Titum grauiter non peccasse.

Ad secundam Respondetur; ex furto centum aureorum, quemlibet etiam Regem graue damnum accipere; posset enim plures milites, vel pedissequos alere, quo commodo, ac utilitate priuatur; & cum à multis eadem summa surripitur, toti illi Communitati per modum vnius damnum notabile infertur. Verùm, quamvis damnum graue non inferretur; adhuc graue furtum committeretur, quia retineretur alienum Domino notabilitet inuito, qui est finis immediatus istius, prohibitionis potius, quam damnum Domini.

Ad tertiam Respondetur; Negando, *finem legis adæquatè & perfectè frustrari; ex illa enim extractione Republica graue damnum non patitur, Finis autem Legislatoris est, hoc solum damnum vitare, vt suppono.*

Ad quartam Respondetur; Latronem iustè suspendi, non tam ob damnum illatum, quam ob actionem injuriosam. At in præsenti, finis legis adæquatus est, vitare damnum. Hoc autem, cum graue non sit, non appetet, vnde culpa mortalis nasci possit.

COROL-



COROLLARIA.

17 Colligitur ex dictis primò ; nullam certam regulam statui posse, ad definiendum, quænam mercium extractio censenda sit graue damnum Reipublicæ inferre ; sed hoc pensandum esse prudenter arbitrio ; regulariter tamen loquendo, centum aurei, vel merces eiusdem valoris, videntur esse materia grauis, ex qua Republica damnum pati possit ; sicut pro donatione , materia grauis, duos vel tres aureos excedere debet. Nisi tamen Republica, vel esset ab inimicis oppressa , vel magnam penuriam pateretur : Nam tunc, etiam quantitas longè minor censeretur materia grauis. *Molina tract. 2. d. 89. circa finem. Azor. tom. 1. lib. 5. c. 28.*

18 Secundò ; Materiæ paruitatem & gravitatem non rectè desumi per ordinem ad totam quantitatēm præceptam ; ita ut illa dicatur materia leuis, quæ, respectu totius quantitatēs præcepta, leuis est, & è contra ; Nam, si quis quingentos, vel mille aureos in elemosynam distribuere teneatur, & retineat viginti ; hæc retentio , respectu totius summæ, leuis est, & tamen censetur materia grauis, & peccatum mortale ; quia grauiter conductit ad intentum, qui est alienæ miseria sublevatio, vel pietatis exercitium. Contra verò, si quis ex Voto, Officium B. Virginis recitare teneatur, & duas horas omittat ; hæc omissione, quamvis in comparatione totius officij sit materia grauis, cum sit ferè tertia illius pars ; absolute tamen censetur omissione,

& materia leuis , quia non videtur grauiter, sed solùm leuiter conducere ad deuotionem excitandam, & Virginem colendam, qui est finis intentus ; idemque dicendum videtur de tertia parte cuiuslibet horæ minoris in officio Diuino. *Bonacina d. 2. de pecc. quæst. 3. pun. 3. num. 14.*

Tertiò ; Ad ferendum iudicium de 19 alicuius materiæ gratuitate , vel leuitate, attendendum præcipue esse finem præcepti, an sit grauis, vel leuis, & an res præcepta, ad illum sit necessaria , vel non necessaria ; res enim, quæ in se leuis est, aliquando sit grauis ratione finis, quem subditus ignorat. Hoc autem colligi poterit ex circumstantijs, quibus Legislator ad præceptum ferendum motus est, quales sunt; vitare scandalum , aut damnum commune , aut periculum vota violandi &c. In dubio tamen, an finis sit grauis , vel res præcepta sit ad illum necessaria , præsumi debet , & finem esse grauem, & rem necessariam ; quia præsumptio stat pro communiter contingentibus ; & ferè semper præceptum imponitur solùm ob finem grauem , & de materia ad illum necessaria. *Sanch. lib. 1. c. 4. num. 3.*

Quartò ; Mortaliter peccaturum, qui 20 aquæ guttam vino non misceret in Calice ; quia quamvis aquæ gutta, secundum se considerata, sit materia parua ; at non est parua, sed magna in ordine ad mysterium , ac significationem, propter quam ab Ecclesiâ præcipitur. Ex leui autem vel magnâ utilitate , quam res præcepta habet ad finem à Legislatore intentum , eius grauitas, uel leuitas desu-

desumitur, ut dictum est *Card. de Lugo de Sacr. Euch. d. 15. f. 2. num. 21.*

21 Quinto; In materia ieunii unam aut alteram unicam cibi communis non sufficere ad peccatum mortale, sed censeri materiam leuem, non ex eo, quod duae vnciae, sint quarta pars collatiunculae serotinæ, ut vult *Dianap. g. tratt. 5. ref. 1. I.* Nam paruitas materiae non recte desumitur per ordinem ad totam quantitatem præceptam, vel prohibitam, ut dictum est. Sed quia una, vel altera vncia leuiter solum conducere videtur ad corpus alienum, & est quid leue in genere alimenti. Ecclesia autem præceptum ieunij præcipit solum abstinentiam eorum, quæ per se, ac principaliter ordinantur ad corpus alienum. Vnde non præcipit abstinentiam potus, quia hic principaliter non ordinatur ad corpus nutriendum, sed ad sitim sedandam; nec abstinentiam medicamentorum, quia hæc principaliter non ordinantur ad corporis nutritionem, sed ad sanitatem. *Turrianus. p. 1. sum. c. 296. d. 27. num. 2.*

22 Sexto; Etiam, quando præceptum, certam aliquam materiam, vel tempus præscribit, materię grauitatem vel leuitatem pensandam esse, non ex eo, quod sit tertia, vel quarta, aut alia similis pars materiae præceptæ; sed ex eo, quod ratione sua magnitudinis, vel grauitatis, absoluta eius omissio, secundum prudentem existimationem, leuem vel notabilem afferat deformitatem in materia adæquata præcepti. Sic enim in officio Diuino omissio, quæ quantitatem viuis horæ paruæ v. g. tertiae, sextæ, nonæ, & completorij, non attingit, censetur materia leuis, quia non censetur communiter mutilatio notabilis,

nec in diuino officio, cuius est pars, notabilem deformitatem afferre; hoc tamen totum ex prudenti arbitrio desumendum, ac estimandum est, pensatis personarum conditionibus, & alijs circumstantijs, respectu talis materiae. Vnde, dum communiter dicitur, illam esse materiam grauem, cuius violatio charitati Dei, vel proximi intelligitur contraria, hoc ipsum ad prudentis arbitrium necessariò reducendum est; sic enim solum, & non aliter discerni potest, an materia, charitati sit contraria, nec ne. *Suar. tom. 2. de relig. lib. 5. de votoc. 4. num. 15. Castrop. to. 2. d. 2.p. 5. num. 1.*

Septimo; In diebus festis, in ordine ad operas seruilia, duas horas censeri materiam leuem, nec sufficere ad peccatum mortale, non quia sint pars leuis respectu totius diei; nam materia leuitas, ex hoc solum non recte deducitur, ut dictum est; sed quia non grauiter, sed leuiter tantum opponuntur cultui diuino, qui est finis intentus à præcepto, opera seruilia diebus festis prohibente: quod totum ex communi fidelium sensu, ac Ecclesiæ visu colligitur. In operibus tamen forensibus, ac iudicialibus, materia grauitas, non ex temporis quantitate, sed ex operis qualitate desumitur; si quis enim aliquem contractum venditionis, aut locationis, solemniter celebraret, mortaliiter peccaret, quia faceret actum irritum, quod ex se grauem habet deformitatem, præsertim si fiat à iudice. Si vero rem aliquam parui momenti, vel ad usum necessariam, venderet, venialiter solum peccaret, quia iam consuetudo obtinuit, ut hoc non sit graue peccatum, &c. si ad sit iusta causa, vt ementium, vel videntium necessitas, nullum. *Castropalaus tom. 1. tratt. 9. d. 2. pun. 3. n. 4.*

QVÆ.

